



Poklonio sam Allahovom Poslaniku, sallallahu alejhi ve sellem, divljeg magarca.

Sa'b b. Džessama, radijallahu anhu, veli: "Poklonio sam Allahovom Poslaniku, sallallahu alejhi ve sellem, divljeg magarca, pa je odbio da ga primi. Kada mi je na licu vidio negodovanje, rekao je: 'Mi smo ga odbili samo zato što smo u ihramima.'"

[Vjerodostojan] [Muttefekun alejh]

Od ljepote morala Allahovog Poslanika, sallallahu alejhi ve sellem, jest i to da nikada nije ispoljavao drukčije od onoga što je smatrao kada je u pitanju Allahova vjera, i nikada nije propuštao da obraduje ljude. Pored Sa'ba b. Džessame, radijallahu anhu, prošao je Poslanik, sallallahu alejhi ve sellem, a bio je u ihramu. Sa'b je bio strijelac, pa je za Poslanika, sallallahu alejhi ve sellem, ulovio jednog magarca i doveo mu ga. Poslanik, sallallahu alejhi ve sellem je to odbio, što je Sa'bu teško palo. "Kako da Poslanik odbije njegov poklon!", pomislio je. Izraz lica mu se promijenio. Kada je Poslanik, sallallahu alejhi ve sellem, to vidio, raspoložio je njegovo srce, te mu je kazao da nije prihvatio magarca jer je bio u ihramima, a muhrim ne smije da jede divljač koja je radi njega ulovljena.

<https://sunnah.global/hadeeth/bs/show/5772>

